

U skladu sa članom 9. stav 3. Zakona o akreditiranju Bosne i Hercegovine («Službeni glasnik BiH», broj 19/01), ugovorne strane

Institut za akreditiranje Bosne i Hercegovine, Hamdije Čemerlića 2/VII, Sarajevo (u daljem tekstu BATA), zastupano po direktoru Željku Medaku

Građevinski fakultet Univerziteta u Sarajevu, Institut za materijale i konstrukcije, Ispitni laboratorij, Stjepana Tomića 5, 71000 Sarajevo (u daljem tekstu: TOU), zastupano po direktoru prof.dr. Hrasnica Mustafi, dipl.inž.građ.,

potpisuju sljedeći

UGOVOR br. 06-44-1-458-4/17  
o akreditiranju TOU i njegovom učešću u  
Sistemu akreditiranja Bosne i Hercegovine

#### PREDMET UGOVORA

##### Član 1.

Ovim Ugovorom se regulira rješavanje zahtjeva TOU, te prava i obaveze ugovornih strana u pogledu učešća TOU u Sistemu akreditiranja Bosne i Hercegovine.

Termin akreditiranje podrazumijeva bilo inicijalno ili ponovno ocjenjivanje TOU kojim se iskazuje formalan dokaz o njegovoj kompetentnosti za obavljanje određenih zadataka ocjenjivanja usklađenosti.

##### Član 2.

Na osnovu zahtjeva TOU, koji čini sastavni dio ovog Ugovora, BATA se obavezuje da će provesti proceduru inicijalnog ili ponovnog ocjenjivanja u skladu sa Zakonom o akreditiranju u Bosni i Hercegovini i dokumentom 05-01: Sistem akreditiranja Bosne i Hercegovine (u daljem tekstu PD 05-01).

BATA će odobriti ili produžiti akreditaciju ako TOU ispuni zahtjeve za kompetentnost prema dokumentu PD 05-01 i odgovarajućem, nacionalnom, europskom i međunarodnom standardu ili standardima. Područje odobrene akreditacije bit će dato u njenom dodatku.

Posjedovanje akreditacije ni na koji način ne mijenja ugovorne odnose između TOU i njegovih kupaca. Budući da akreditacija samo ukazuje na savjesnost, poštenje i kompetentnost TOU, ona ne podrazumijeva ili pretpostavlja da BATA prihvata odgovornost za aktivnosti TOU na koje se akreditacija odnosi.

#### PRAVA I OBAVEZE TOU

##### Član 3.

Dodjelom akreditacije TOU stiče pravo učešća u Sistemu akreditiranja Bosne i Hercegovine, uključujući pravo pozivanja na status akreditiranog TOU i korišćenja akreditacijskog znaka.

#### Član 4.

TOU ima pravo zatražiti od BATA-e proširivanje ili sužavanje područja postojeće akreditacije. BATA se obavezuje da će zahtjeve TOU za proširivanje ili sužavanje područja akreditacije rješavati u skladu sa dokumentom PD 05-01.

#### Član 5.

TOU ima pravo žalbe i prigovora u vezi sa aktivnostima BATA-e u skladu sa pozitivnim propisima u Bosni i Hercegovini i dokumentu PR 08-03.

#### Član 6.

TOU je obavezan pridržavati se pravila utvrđenih u dokumentima PD 05-01 i PD 07-03, kao i ostalih pravila objavljenih na službenoj web stranici BATA-e.

#### Član 7.

TOU je obavezan ovlaštenim predstavnicima BATA-e omogućiti pristup dokumentima i prostorima relevantnim za provođenje odgovarajućih procedura akreditiranja definiranim u dokumentu PD 05-01, kao i osvjedočenje pri izvođenju usluga iz zahtjevanog ili akreditiranog područja TOU kod njegovih klijenata.

#### Član 8.

TOU je obavezno obavijesti BATA-u o svim promjenama koje su u vezi sa njegovim statusom ili radom, a koje se tiču pravnog ili organizacionog statusa.

#### Član 9.

TOU je obavezan obavijestiti BATA-u i o drugim pitanjima koja mogu uticati na njegovu kompetentnost iz područja za koje je akreditirano, odnosno na ispunjavanje zahtjeva standarda prema kojem je akreditirano, ili na bilo koji drugi relevantni kriterij koji je specificirala BATA.

#### Član 10.

TOU je obavezan odmah prekinuti sa aktivnostima za koje posjeduje akreditaciju ukoliko postoji razlog za koji se smatra da kriteriji za akreditaciju više nisu ispunjeni. Akreditirane aktivnosti se mogu ponovo započeti nakon što se ostvare zahtijevani uvjeti i dobije odobrenje od BATA-e.

#### Član 11.

U slučaju prigovora treće strane na akreditirane aktivnosti TOU, isto je obavezno pružiti pomoć BATA-i u rješavanju prigovora.

#### Član 12.

TOU je odgovorno prema trećim stranama za štetu uzrokovanu radom u okviru općih uvjeta odgovornosti.

#### Član 13.

TOU je dužno pravovremeno izvršavati plaćanje troškova za aktivnosti BATA-e u vezi sa odobravanjem ili produžavanjem akreditacije, održavanjem statusa akreditacije ili njenih

izmjena, kao i za učešće u Sistemu akreditiranja Bosne i Hercegovine prema dokumentu PD 07-05 Tarifa za usluge u Sistemu akreditiranja Bosne i Hercegovine.

Član 14.

TOU prihvata da nadoknadi BATA-i bilo koje gubitke nastale zbog neispunjavanja uvjeta ovog Ugovora ili potraživanja BATA-e zbog zloupotrebe akreditacije ili ovlaštenja za korištenje dodijeljenog znaka Sistema akreditiranja Bosne i Hercegovine od strane TOU.

Član 15.

TOU ima pravo podnijeti pisani zahtjev za suspenziju ili otkaz, uz uvažavanje jednomjesečnog otkaznog roka.

Član 16.

Najmanje četiri mjeseca prije isticanja roka važenja odobrene akreditacije, TOU se mora izjasniti o svojoj namjeri za njeno produžavanje. Produžavanje odobrene akreditacije se obavlja u skladu sa članom 2. ovog Ugovora.

PRAVA I OBAVEZE BATA-e

Član 17.

Potpisivanjem ovog Ugovora BATA smatra da je TOU spremno za otpočinjanje procedure akreditiranja u skladu sa članom 2. ovog Ugovora. BATA preuzima obavezu da ocjenjivanje završi u definisanom roku od potpisivanja ovog Ugovora. BATA ne snosi odgovornost za pomjeranje dogovorenog roka koje je nastalo zbog nespremnosti TOU za realiziranje pojedinih koraka ocjenjivanja ili zbog potrebe da TOU ukloni utvrđene neusklađenosti.

Član 18.

Potpisivanjem ovog Ugovora BATA smatra da je TOU upoznato i prihvatilo da BATA, ukoliko mu odobri ili produži akreditaciju, obavlja redovne, a po potrebi i vanredne nadzore u cilju provjere trajnog ispunjavanja propisanih kriterija, a prema proceduri opisanoj u dokumentu PD 05-01.

Član 19.

BATA ima pravo odobrenu akreditaciju suziti, suspendirati ili opozvati u skladu sa dokumentom PD 05-01.

Član 20.

BATA može zahtijevati od TOU da zaključi policu za odgovornosti zbog štete koju svojim radom može nanijeti trećoj strani i tražiti dokaze da je takvo osiguranje zaključeno.

Član 21.

BATA je obavezna da dokumente koji se tiču pravila i kriterija za akreditaciju staviti na raspolaganje korisnicima njenih usluga putem službene web stranice [www.bata.gov.ba](http://www.bata.gov.ba).

Član 22.

BATA je obavezna u pisanoj formi obavijestiti TOU o svom stavu po pitanju planiranih promjena navedenih u članu 8.

## TRAJANJE UGOVORA

## Član 23.

Ovaj Ugovor važi do isteka važenja akreditacije, odnosno četiri godine kako je naznačeno na certifikatu o akreditaciji ili do potpisivanja novog Ugovora.

## Član 24.

Ovaj Ugovor se smatra raskinutim ukoliko akreditacija nije odobrena prema članu 2. stav 2. ovog Ugovora, ako je akreditacija otkazana u skladu sa članom 15. ovog Ugovora ili je opozvana u skladu sa članom 19. ovog Ugovora.

## Član 25.

U slučaju podnošenja zahtjeva za produžavanje akreditacije prema članu 16. ovog Ugovora, potpisuje se novi ugovor ili se ovaj Ugovor produžava za naredni period od četiri godine, uz obostrano potpisanu saglasnost koja čini sastavni dio Ugovora.

## Član 26.

Prestanak važenja ovog Ugovora ne smije biti štetan po prava i obaveze koje su nastale prije datuma isteka ili njegovog otkazivanja ili opoziva. Obaveze iz člana 13. Ugovora koje su nastale prije otkazivanja ili opoziva ostaju na snazi do ispunjenja.

## ZAVRŠNE ODREDBE

## Član 27.

Ugovor je sastavljen u tri (3) primjerka koji se smatraju izvornicima, od kojih BATA zadržava dva (2) primjerka.

## Član 28.


Ugovorne strane su saglasne da sve eventualne sporove koji nastanu na osnovu ovog Ugovora ili u vezi sa njim rješavaju sporazumno, a u slučaju spora mjesno nadležan je Općinski sud u Sarajevu.

Sarajevo, 06.12.2017.godine


  
Za TOU

prof.dr. Hrasnica-Mustafa, direktor

Br. 04-1-55-41-6/17.  
12.12.2017.



Za BATA

  
Željko Medak, direktor



BOSNA I HERCEGOVINA  
БОСНА И ХЕРЦЕГОВИНА

INSTITUT ZA AKREDITIRANJE BOSNE I HERCEGOVINE  
ИНСТИТУТ ЗА АКРЕДИТОВАЊЕ БОСНЕ И ХЕРЦЕГОВИНЕ



\*Bilateralni potpisnik EA MLA  
\*Билатерални потписник EA MLA

*ink*  
*Štampar*  
*13.12.2017*

Gradjevinski fakultet Univerziteta u Sarajevu  
Institut za materijale i konstrukcije  
Ispitni laboratorij

Stjepana Tomića br. 5  
71000 Sarajevo

Broj/Број: 05-44-1-458-5/17  
Datum/Датум: 7.12.2017.

GRADJEVINSKI FAKULTET  
U SARAJEVU

Priloga		12.12.2017	
Org. za	Broj	Redni	Drugi
04-1	55-41-6	17	

Predmet/Предмет: Dostava ugovora o akreditiranju

Poštovani,

U skladu sa pravilima Sistema akreditiranja Bosne i Hercegovine, obavještavamo Vas da BATA može odgovoriti na vaš zahtjev sa stanovišta resursa (raspoloživost ocjenjivača i vremena).


Prije nastavka aktivnosti za odobravanje akreditacije, potrebno je da potpišete "ugovor o akreditiranju tijela i njegovom učešću u SABiH". Također, potrebno je da uplatite troškove obrade zahtjeva za odobravanje akreditacije i administrativne takse u skladu sa dokumentom PD 07-05, Tarifa za usluge u sistemu akreditiranja.

U prilogu vam dostavljamo tri primjerka ugovora o akreditiranju tijela i njegovom učešću u SABiH br. 06-44-1-458-4/17. Molimo da po potpisivanju ugovora, dva primjerka vratite BATA-i.

O rezultatima preispitivanja kompletnosti zahtjeva biti ćete obaviješteni u skladu sa pravilima SABiH.

Za dodatne informacije možete se obratiti voditelju postupka akreditiranja Emini Džaferović-Mašić, tel. 033 721 327.1

S poštovanjem,



Direktor  
*Željko Medak*  
Željko Medak

Prilog: kao u tekstu